

RÍKISSAKSÓKNARI

Dómsmálaráðherra

Sent með Signet transfer til dómsmálaráðuneytisins 29. júlí 2024

Reykjavík, 29. júlí 2024
Tilvísun: 202207-0272 og -0278

Efni: Máli vararíkissaksóknara vísað til dómsmálaráðherra, sbr. 26. gr. laga nr. 70/1996

Með vísan til meðf. bréfs ríkissaksóknara til Helga Magnúsar Gunnarssonar vararíkissaksóknara dags. í dag og áminningarbréfs ríkissaksóknara til vararíkissaksóknara dags. 25. ágúst 2022, leyfir ríkissaksóknari sér að vísa máli vararíkissaksóknara til meðferðar dómsmálaráðherra sem er stjórnvaldið sem skipaði Helga Magnús Gunnarsson í embætti vararíkissaksóknara og veitir lausn frá því embætti um stundarsakir skv. 26. gr. laga nr. 70/1996, telji ráðherrann efni til þess.

Með áminningarbréfinu var Helga Magnúsi gefinn kostur á að bæta ráð sitt með því að ítreka ekki ávirðingar/háttsemi af því tagi sem lýst var í bréfinu ellegar kynni það að leiða til þess að honum yrði veitt lausn frá embætti sbr. VI. kafla laga nr. 70/1996 um réttindi og skyldur starfsmanna ríkisins.

Að mati ríkissaksóknara hefur Helgi Magnús Gunnarsson vararíkissaksóknari ekki bætt ráð sitt í kjölfar áminningarinnar. Þvert á móti hefur hann enn og aftur með tjáningu sinni, ummælum og orðfæri í opinberri umræðu, í þetta sinn á Facebook og fréttamiðlunum Vísir.is og mbl.is sýnt af sér háttsemi sem er ósæmileg og ósamrýmanleg starfi hans sem vararíkissaksóknari, en líta verður svo á að Helgi Magnús hafi þar verið að tjá sig í starfi sínu sem vararíkissaksóknari.

Bréfi þessu fylgja útprentanir af vefmiðlum með þeim ummælum Helga Magnúsar sem gerð er grein fyrir í bréfi ríkissaksóknara til vararíkissaksóknara og leiða til þess að ríkissaksóknari telur að háttsemi hans sem vararíkissaksóknari hafi verið ósæmileg og ósamrýmanleg starfi hans og að sú háttsemi hafi varpað rýrð á störf hans sem vararíkissaksóknari, á embætti ríkissaksóknara og ákærvaldið almennt, sbr. 14. og 21. gr. laga nr. 70/1996.

Að mati ríkissaksóknara eru þær ávirðingar sem lýst er í áminningarbréfinu og bréfinu sem Helga Magnúsi Gunnarssyni var sent í dag þess eðlis að efast má um að hann sé þess verður að gegna starfi vararíkissaksóknara.


Sigríður J. Friðjónsdóttir
ríkissaksóknari



Meðfylgjandi:

1. Tilkynning ríkissaksóknara til Helga Magnúasar Gunnarssonar vararíkissaksóknara um mögulega áminningu dags. 2. ágúst 2022
2. Andmælabréf Helga Magnúasar Gunnarssonar til ríkissaksóknara dags. 21. ágúst 2022
3. Áminningarbréf ríkissaksóknara til Helga Magnúasar Gunnarssonar dags. 25. ágúst 2022
4. Útprintun úr fjölmiðlum 10. mars, 16., 19., og 20. júlí 2024 með ummælum Helga Magnúasar Gunnarssonar
5. Bréf samtakanna Solaris til ríkissaksóknara dags. 24. þ.m.
6. Bréf tveggja lögmanna til ríkissaksóknara f.h. Maríu Lilju Ingveldar-Þrastardóttur-Kemp og Semu Erlu Serdaroglu dags. 26. þ.m.
7. Bréf ríkissaksóknara til Helga Magnúasar Gunnarssonar dags. í dag

Afrit:

Helgi Magnús Gunnarsson vararíkissaksóknari

Sent með tölvupósti á netfangið hmg@saksoknari.is 29. júlí 2024